



## *Eksodus 16 : 1—19*

### *Kos uit die hemel*

#### **Week 8 (Sondag 14 Maart 2021)**

Nadat hulle Elim verlaat het, het die hele volk Israel in die Sinwoestyn aangekom wat tussen Elim en Sinai lê. Dit was op die vyftiende van die tweede maand nadat hulle uit Egipte getrek het. 2In die woestyn het die hele volk hulle teenoor Moses en Aäron begin verset 3en gesê: “As ons maar liever in Egipte omgekom het deur die hand van die Here terwyl ons by die vleispotte kon sit en oorgenoeg kos kon hê om te eet! Nou het julle ons laat wegtrek tot in hierdie woestyn om die hele volk van honger te laat omkom.”4Toe het die Here vir Moses gesê: “Let nou mooi op. Ek sal elke keer vir julle kos uit die hemel laat reën. Dan moet die volk elke dag gaan en dié dag se voorraad optel. So sal Ek toets of hulle my opdrag wil nakom of nie. 5As hulle op die sesde dag voorberei wat hulle ingebring het, moet dit dubbel soveel wees as wat hulle elke dag optel.”6Toe sê Moses en Aäron vir al die Israeliete: “Vanaand sal julle beseef dat dit die Here is wat julle uit Egipte bevry het, 7en môreoggend sal julle sien hoe magtig die Here is. Hy het gehoor dat julle julle teen Hom verset. Dat julle julle teen ons verset, is niks nie.”8Verder het Moses gesê: “As die Here vanaand vir julle vleis gee en môreoggend oorgenoeg kos om te eet, sal julle beseef Hy het julle verset teen Hom opgemerk. Dit was nie teen ons nie, maar teen die Here dat julle julle verset het.”9Moses het toe vir Aäron gesê: “Beveel die hele gemeente van Israel om voor die Here te kom staan, want Hy het hulle verset opgemerk.”10Nadat Aäron dit vir hulle gesê het, kyk die Israeliete na die woestyn se kant toe om, en toe word die magtige teenwoordigheid van die Here sigbaar in die wolk.11Die Here sê toe vir Moses: 12“Ek het die verset van die Israeliete opgemerk. Sê vir hulle: Teen skemeraand sal julle vleis eet en teen môreoggend sal julle oorgenoeg kos hê sodat julle kan beseef dat Ek die Here julle God is.”13Teen die aand se kant het daar kwartels aangevlieg gekom en hulle het die hele kamp vol gesit. Die volgende oggend was daar ’n wolk rondom die kamp, 14en toe die wolk wegtrek, was die woestyn oortrek met fyn vlokies soos ryp. 15Toe die Israeliete dit sien, sê hulle vir mekaar: “Wat is dit dié?” want hulle het nie geweet wat dit is nie. Toe sê Moses vir hulle: “Dit is die brood wat die Here vir julle gee om te eet. 16Die Here het beveel: Gaan maak dit bymekaar volgens elke gesin se behoefte, twee liter per kop. Elkeen moet vat volgens die getal mense in sy tent.”17Die Israeliete het dit toe gaan optel, die een baie en die ander ’n bietjie, 18en toe hulle dit met ’n maatemmer afmeet, het dié met baie nie te veel nie, en dié met ’n bietjie nie te min gehad nie. Hulle het volgens elkeen se behoefte bymekaargemaak.19Moses het toe vir hulle gesê: “Niemand mag iets daarvan laat oorskiet tot môreoggend nie.”20Maar hulle het nie vir Moses geluister nie. Party het daarvan tot die volgende oggend laat oorstaan, maar daar het miet in gekom en dit het gestink. Moses was woedend oor wat hulle gedoen het. 21Hulle het dit vroeg elke oggend bymekaargemaak, volgens elkeen se behoefte, maar net as die son begin bak, het dit weggesmelt.

## **VRAE VIR DIE WEEK SE BYBELSTUDIE AS GESIN**

#### **Maandag**

1. In vers 1 waar het die volk bymekaar gekom?
2. Wanneer ons hoor die hele volk het hulle teen Moses en Aaron verset, wat beteken verset vir jou?
3. Hoekom het hulle dit gedoen?
4. Verset ons ons vandag nog, en vir wie ?
5. Verset ons, onself teenoor God?
6. Wat sou die volk sien van God?
7. Wat beteken dit vir jou?

#### **Dinsdag**

1. Wat het God aan die volk voorsien?
2. Teen wie verset die volk hulle eintlik?
3. Hoe lyk die prentjie van ’n woestyn in jou gedagtes?
4. Toe die Israeliete na die woestyn se kant toe kyk, wat het vir hulle sigbaar geword?
5. Hoekom?
6. Wat het agtergebly toe die wolk wegtrek?
7. Dink in ons gebede Vader gee ons vandag ons daaglikse brood.

#### **Woensdag**

1. Wat het die Here vir Moses gesê in vers 11
2. Wat sou die volk beseef
3. Hoe is dit van toe passing vir ons vandag?
4. Dink jy as jy Jesus volg op die weg die waarheid en die lewe, sal God voorsien wat jy nodig het om Sy koninkryk te laat kom?

#### **Donderdag**

1. In vers 16 staan “Die Here het beveel: Gaan maak dit bymekaar volgens elke gesin se behoefte, twee liter per kop. Elkeen moet vat volgens die getal mense in sy tent.” 17Die Israeliete het dit toe gaan optel, die een baie en die ander ’n bietjie, 18en toe hulle dit met ’n maatemmer afmeet, het dié met baie nie te veel nie, en dié met ’n bietjie nie te min gehad nie.”Wat beteken die gedeelte vir ons vandag
2. As ons in vers 19 sien “Niemand mag iets daarvan laat oorskiet tot môreoggend nie.” Weet ons ons moet op God vertrou daaglik dat God sal voorsien, hoe sien jy vertrou?
3. Hoe laat die gedeelte jou voel?